



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 25/07/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministesches fir Interieur weiderzeleeden.

A menger parlamentarescher Fro n° 429 haat ech d'Madamm Ministesch iwwert d'Ausbezele vun den Indemnitéite fir d'Fräiwëlleger vum CGDIS befrot. An hirer Äntwert hat si deemools geschriwwen, d'Ausbezele vun der Indemnisiatioun vun 1€/Stonn fir d'Permanence géif am Enn Abrëll ausbezuelte ginn. Wéi verschidde Fräiwëlleger mir awer bericht hunn, krute si eréischt am Mee hir Indemnisiatiounen ausbezuelte. Doriwwer eraus ass, mengen Informatiounen no, d'Nobezuelung vun der Indemnitéit fir en Asaz vun 2018 nach ëmmer net ausbezuelte ginn.

Vill Fräiwëlleger wëssen doriwwer eraus nach ëmmer net a wéi engen Zäitintervallen d'Indemnisiatiounen ausbezuelte ginn a reegen sech doriwwer op, dass hinnen nach keng konkret informatiounen dozou virleien.

An deem Zesammenhang wéilt ech der Ministesch dës Froe stellen:

1. Bis wéini kënnen d'Benevolle mat der retroaktiver Ausbezuelung vun der Indemnitéit fir en Asaz rechnen? Gëtt de Montant vun der Indemnitéit op den Asaz berechent oder pro Stonn pro Asaz?
2. Wéi gesäit de Cadencier vum Ausbezele vun den Indemnitéite beim CGDIS aus? A wéi engen Intervallen kennen d'Fräiwëlleger mat hiren Indemnisiatiounen rechnen?
3. Ginn déi eenzel Indemnitéiten, déi d'Madamm Ministesch an hirer Äntwert op meng vireg Fro oplëscht, zesumme verséiert oder no Indemnitéit? Wat ass d'Begrënnung dofir?
4. Kann d'Madamm Ministesch confirméieren, dass déi Indemnitéiten, déi si fir Abrëll ugekënnegt hat, eréischt am Mee ausbezuelte goufen? Falls jo, wat war de Grond vun der verspéidener Iwwerweisung?
5. De CGDIS huet seng informatesch Programmer fir d'Erfaasse vu Stonnen, sou wéi fir d'Bezele vun de geleeschte Stonnen moderniséiert an optimiséiert. Dëse Prozess huet elo e bëssen gedauert, ma et sief drun erënnert datt dëst de Fräiwëllegen awer an Zukunft nëmme kann zegutt kommen. Duerch déi nei informatesch Systemer wäert sech d'Beaarbechtungszeit vun den Indemnitéiten an Zukunft enorm reduzéieren! (Äntwert vun der Madamm Ministesch op d'Fro n° 429)

Kann d'Madamm Ministesch confirméieren, ob de System fir d'Erfaasse vu Stonnen, Stand haut, schonn asazbereet ass an de Fräiwëllegen zegutt kennt? Kann d'Ministesches och erklären, wéi dëse System fonctionnéiert?



www.piraten.lu



Sensibilité politique
Boîte postale 83
L-7201 Bereldange

Mat déiwem Respekt,

GOERGEN Marc
Député



www.piraten.lu